

欽定古今圖書集成

方輿彙編職方典



欽定古今圖書集成方輿彙編職方典

第七百十九卷目錄

常州府部彙考十三

常州府驛遞考

常州府兵制考

常州府物產考

職方典第七百十九卷

常州府部彙考十三

常州府驛遞考

武進縣

通志縣志合載

毘陵驛 在朝京門外百步舊在天禧橋東後改名荆溪館元置水馬站設提領一員明洪武元年改爲武進站置朝京門外一里六年復改站爲毘陵驛改提領爲驛丞天順五年知府王慥改建于朝京門內正德間知府王教徙今地

古今圖書集成考之一  
皇清因之順治七年驛丞裁以典史巡檢更領驛務  
原額祇應銀八百六十兩明嘉靖四十六年後  
原議力差每年編派斗級一百二十名應役每  
名銀十二兩共銀一千四百四十兩十六年編  
銀九百六十兩隆慶二年止編八十名銀如十  
六年數四年改編銀差編銀一千二百兩萬曆  
六年止編銀一千兩十年止編銀七百兩十八  
年加銀一百兩二十五年又加銀六十兩遇閏  
遞加

鋪陳銀五十兩明萬曆三年編銀六十兩十年  
減銀十六兩今照編

修造站船銀二十兩明嘉靖間在鋪陳等項銀  
內編派隆慶四年查議另編聽給天字一二三  
四五六七八等號站船修造之用每年每隻銀  
二兩五錢

造飯夫十二名共銀一百八兩明隆慶二年每  
名原編銀七兩二錢萬曆三年各加二兩八錢  
十一年仍舊編十八年加至九兩至今照派遇

閩遞加

走遞水夫三百七十八名共銀二千七百二十一兩二錢明隆慶二年每名原編銀七兩二錢萬曆三年條編十兩八錢十年加三十名一例編銀七兩二錢十三年加編一百四十名十七年減八十名十八年允復一百三十名二十五年三十一一年陸續減編十一名實存今數遇閩遞加遇差每夫每站給銀五分責令綱頭十名夫甲八名募付書手一名發號綱頭每名月給

銀八錢夫甲每名月給銀六錢書手月給銀五錢俱於雇夫銀內支給銷算三十年知府歐陽東鳳議送過往使客夫數定為大船三十名中船二十名如有一官而用船二隻者以一隻作大船與夫三十名一隻作中船與夫二十五名或二十名或十名隨船大小照應付榜驛前為例

河下夫皂一百二十名共銀七百五十六兩明嘉靖四十年于本縣廠夫內提用隆慶二年另

夫一百名每名銀六兩六錢萬曆二年加至七兩二錢五年止編八十名九年加至九十名十八年又加夫三十名內九十名每名銀七兩二錢專供河下走遞三十名每名銀三兩六錢專聽上司按臨應用閒日在縣差遣其銀遇閏遞加

河下吹手六十二名共銀四百四十六兩四錢明萬曆九年始編三十名每名銀七兩二錢十二年加編十名十八年又加編二十二名今照

派遇閏遞加

河下官吏十二名共銀八十六兩四錢專聽河下使客往來傳遞書帖明萬曆十二年始編每名七兩二錢

各鋪司兵一百三十九名共銀一千一百五十一兩明嘉靖十六年每名編銀六兩隆慶三年每名銀七兩二錢萬曆三年照編二十二年每名銀九兩鋪舍損壞卽令修理今照編遇閏遞加

古  
無錫縣

錫山驛 在南門外宋以來有太平南門北門  
三驛元置洛社新安水馬站各一所明初站廢  
置錫山驛於今地

急遞鋪 凡九所縣前南門東葑新安馬墓五  
里亭潘葑洛社五牧相去皆十里

原額支應銀八百兩遇閏加銀六十六兩六錢  
六分六釐五毫

走遞馬共二十匹每匹草料銀一十六兩該銀

三百二十兩遇閏加銀二十六兩六錢六分六  
釐七毫

走遞水夫四百三十名每名工食銀七兩二錢  
該銀三千九十六兩遇閏加銀二百五十八兩  
以上三項原編共銀四千二百一十六兩遇閏  
加銀三百五十一兩三錢三分二釐二毫錫邑  
地處要衝應付浩繁苦不敷用知縣吳興祚詳  
請准予起運項下一撥船差不敷銀六百八十  
六兩一撥馬差不敷銀一千八百六十兩一撥

水夫不敷銀一千五百四十八兩共歸入存留  
銀四千九十四兩倘遇蠲荒等項俱奉部文撥  
補共銀八千三百一十兩遇閏加銀三百五十  
一兩三錢三分三釐三毫康熙十三年敬陳減  
差等事各案共裁銀四千四百五十五兩七錢  
又撥五牧腰站銀六百十兩八錢後腰站奉撤  
銀仍歸本驛康熙二十一年欽奉

恩詔內酌復銀三千一百四十三兩九錢康熙二十  
三年奉裁站船水手工食銀一百八兩閏月加

銀九兩實存支給銀七千五百一兩遇閏加銀  
三百四十三兩三錢三分三釐三毫

造飯館夫五名每名工食銀七兩二錢該銀三  
十六兩遇閏加銀三兩

河下吹手六十名每名工食銀七兩二錢該銀  
四百三十二兩遇閏加銀三十六兩

河下夫皂一百八名工食銀不等該銀七百七  
十四兩遇閏加銀六十四兩五錢

河下聽事官吏一十名每名工食銀七兩二錢

該銀七百二十兩遇閏加銀六兩

奔走遞運所歸併毘陵驛駕船水手各役工食

不等共銀一百六十五兩內裁銀七十二兩解

費銀一兩四錢四分實給銀九十三兩遇閏加

銀七兩七錢五分

報事扛擡夫銀一百九十四兩四錢內裁銀二

十一兩六錢解費銀四錢三分二釐實給銀一

百七十二兩八錢遇閏加銀一十四兩四錢

以上六項共銀一千六百七十三兩內裁銀一

百八兩三錢七分二釐實存銀一千五百六十

四兩六錢二分八釐遇閏加銀一百三十一兩

六錢五分係支給項下銷算亦屬驛遞之用

鋪兵一百二十名每名工食銀九兩該銀一千

八十兩遇閏加銀八十兩

高橋起至江陰止鋪兵十名每名工食銀九兩

該銀九十兩遇閏加銀七兩五錢

江陰縣

急遞鋪 凡七日縣前日夏港日邵圩日申港

古今圖書集成  
考之七  
曰後梅曰黃土曰炎莊俱西通武進明嘉靖中  
倭亂毀鋪舍其東通常熟鋪四曰後黃曰蕭岐  
曰後馬曰寺莊今已革萬曆四十三年因道院  
駐扎增設南閘月城青賜石撞四鋪俱南通無  
錫其鋪舍未設

原額走遞班夫銀七百二十兩內奉裁銀二百  
四十兩實給工食銀四百八十兩遇閏加銀四  
十兩

走遞馬工食銀四百兩內奉裁銀一百三十三

兩三錢三分三釐實給工食銀二百二十六兩  
六錢六分一釐遇閏加銀二十二兩二錢二分  
二釐二毫五絲四纖一微

以上夫馬二項共實給工食銀七百四十六兩  
六錢六分七釐遇閏加銀六十二兩二錢二分  
二釐二毫五絲內于康熙三年撥協江東驛銀  
三百七十三兩遇閏加銀三十一兩八錢三分  
三釐三毫三絲四忽續奉文協濟驛站改于本  
地支給歸入起運充餉實給該銀三百七十三

兩六錢六分七釐遇閏加銀三十一兩一錢三分八釐九毫一絲六忽案內于欽奉

上諭事并撥協馬價及敬陳減差等事各案議裁充餉銀三百七十五兩三錢三分三釐四毫遇閏加銀三十一兩一錢一分一釐一毫四絲二忽一微內除欽奉

恩詔復給銀三百四十七兩九錢遇閏加銀二十五兩二錢仍裁銀二十五兩四錢三分三釐四毫閏月銀五兩九錢一分一釐四毫一絲二忽五

微于康熙二十二年撥協武邑不敷馬價奉裁實存銀二錢三分三釐六毫閏月銀二分七釐七毫七絲四忽五微二纖解充餉

宜興縣

原額鋪兵四十二名每名工食銀七兩二錢該銀三百零二兩四錢遇閏加銀二十五兩二錢走遞班夫八十名工食銀不等實給銀三百八十四兩遇閏加銀三十二兩

走遞馬工食草料實給銀二百一十三兩三錢

三分三釐遇閏加銀一十七兩七錢七分七釐  
七毫五絲

協濟奔牛遞運所歸併毘陵驛駕船水手工食  
不等共銀四百九兩一錢五分內裁銀一百二  
十八兩三錢五分每兩解費銀二分該銀二兩  
五錢六分七釐實給銀二百八十八兩八錢遇閏  
加銀二十三兩四錢

靖江縣

協濟外府併驛站銀一千八百二兩七錢一毫

有奇

常州府兵制考

通志縣志洽載

本府

順治二年設常州營叅將一員

中軍守備一員 千總一員

把總四員

馬步兵丁一千名在郡鎮守並轄武無江宜靖

楊孟七營六年征廣調去兵二百名十二年又

調防崇明兵二百名止存兵六百名十六年海

寇告警奉

旨調常州叅將一員帶領千總二員把總二員馬步兵三百名移駐江陰畱常州城守守備一員把總二員馬步兵三百名

康熙十一年添設署叅將遊擊一員管常無宜三縣

常州營守備改爲中軍守備

無錫營守備改爲左軍守備

宜興營守備改爲右軍守備總以常州營叅將轄之各官兵照舊駐防其中左右三營官兵馬

匹月支俸銀九百七十五兩八錢六分五釐六毫八忽米二百一十石歲支銀一萬一千七百一十兩三錢八分二毫九絲六忽米二千五百二十石銀於江蘇布政司庫支給米聽巡撫派支其分守汛地東至左軍望亭鎮止南至右軍湖汶汛止西至丹陽九里鋪止北至江陰交界萬安橋止至沿江一帶則孟河營所轄也

弓兵本縣三司額設共九十名小河司額設弓兵二十名澡港司額設弓兵三十名奔牛司額

設弓兵三十名

火兵本縣看守庫獄共二十五名

太湖營於康熙二十年復添駐防兵五名共十名

江防順治初年于孟河營設守備一員千總一員把總二員兵三百名七年裁去千總一員兵一百名十三年奉

旨增募兵三百名陸續買馬六十匹康熙元年抽調赴鎮江兵三百名馬十匹本年募足三年增設

千總一員把總一員共額設守備一員千總一員把總二員兵五百名馬一百匹五年裁去兵一百名馬九十四匹十一年裁去千總一員連缺額共裁兵一百名十二年見在額定經制守備一員把總二員兵三百名馬十匹駐堡防守每月額編俸餉乾銀四百二兩二錢四分九釐五毫米九十石

汛地四址東去桃花港接江陰縣界西去界港接丹陽縣界南達奔牛接常州北枕大江接泰

與縣界沿江設有墩臺十二座係屬水師管轄  
撥兵守禦

無錫縣

無錫營 設守備一員千總把總各一員百總

二員隊長四名戰守兵二百名

高橋望亭巡檢司如舊

閩江營 獨山營 吳塘營

湖西埭營 沙墩營 以上五營隸太湖營管

轄

按無錫四達之區縣東北則江陰常熟瀕于江海相去百里而近其要為高橋五丫浜四河口斗山顧山又南為伯瀆苑山蕩口縣西北接太湖之浩渺跨武進宜興湖州諸路其要為雙河西定橋陽山陽湖閩江五牧又西為小渲獨山白茆吳塘新安望亭若兩路夾守兼足以保障姑蘇一帶

江陰縣

江陰營 順治二年設叅將一員統領遊擊都

司守備各一員步兵五百人三年改都司五年改守備俱屬常州營統轄其署在大街卽黃介子沒官故居十八年常州營叅將調任江陰帶領舊轄兵三百人共一千五百人統轄常無江宜靖楊孟七營汎地

康熙四年改副總兵統轄常鎮二府水陸汎地七年改遊擊仍統常州以下七營八年復改副總兵統轄四府十一年復改守備是年因調京口左路水師官兵駐防江陰經總督具題于原

調官兵內將七百人改鳳泗等處本營止設守備統轄裁存兵馬專司守城又卽于本年又議改遊擊轄江靖揚孟四營

先是江陰縣統鄉兵一百名崑守城池庫獄于順治四年并入江陰營康熙元年仍歸本縣至四年議裁其門關庫獄俱本營兵防守

楊舍營 署所仍明舊其官初以守備一員統千總一員把總一員于順治六年省把總其兵康熙十二年見數馬戰兵十人步戰兵六十一

人守兵一百九十九人分屬汎地濱江起蔡港  
止界涇內地本堡革墅章鄉北角唐市涇凡六  
處

利港巡檢司 石頭港巡檢司 制俱仍明

舊惟司宇自傾燬至今不復遂致居是官者不  
居汎地而居治城譏察巡警甚屬不便

君山教場 仍明舊而順治十三年知縣武茂

周拓地四畝有奇康熙四年叅將吳標復拓田  
四畝有奇

敵樓 仍舊但港口沙蝕岌岌乎僅存耳

常鎮道標營 初設中軍守備一員統兵二百

人順治七年後裁存百人康熙元年本道省去  
備兵職銜移駐蘇州其中軍守備奉汰而兵悉  
隸江陰營

水師總兵官 署在中街即舊常鎮道康熙十

一年經總督具題兵部議覆其鎮海將軍左路

水師官兵以其半移駐江陰以其半分駐靖江  
其制總兵官一員統遊擊守備各二員千總四

員把總八員馬步戰兵共五百人守兵五百人沙唬船共三十隻舵工水手共三百六十人隨船鐵木匠五人以上自遊擊下俱靖江分駐教場漸汨爲洿池宜復明舊

宜興縣

順治三年改南察院爲守鎮公署額設

守備一員 把總一員

經制官兵二百名戰兵一百名守兵一百名千總一員管城守營兵一百五十名

康熙元年爲錢糧不敷等事城守鄉兵俱奉裁汰千總歸併宜興營江浙太湖營遊擊標把總分防凰川地方官衙營房基地共二畝七分糧在民戶

康熙十一年經總督麻爲請佈水師等事裁去宜興營名色歸併常州改爲常州右軍仍設守備一員千總一員率戰守兵二百名駐防宜興地方

靖江縣

順治四年額設官兵三百三員名馬騾八匹頭  
月支糧餉銀三百一十一兩米九十石本年十一  
月部文加支米十八石五年復部文加增俸餉  
每月額支銀三百九十二兩九錢四分九釐四  
毫米仍支九十石

七年議汰千總一員戰兵五十名守兵五十名  
復定馬二步八止存守備一員把總一員馬戰  
兵六十名步戰兵四十名守兵一百名官坐馬  
六匹營馬六十匹八年部議改額馬一步九實

存兵二百名營馬二十匹坐馬六匹十一年部  
文改經制仍定馬二步八

十二年部文守備員下每月裁減案衣銀六錢  
六分六釐六毫

十三年增兵三百名連舊共存兵五百名本年  
改靖江營隸江北屬漕撫節制聽狼山副總兵  
調度援勦錢糧仍在常州府支領

十七年新設鳳撫專理軍務本營不屬漕撫改  
屬鳳撫節制

康熙三年抽去守兵十三名抵哈將軍下閒甲之糧本年又抽去守兵七名抵哈將軍下閒甲之糧

四年部議裁減本營兵丁一百名戰馬七十五匹實存官四員戰守兵丁三百八十名坐戰馬三十五匹

九年增設遊擊一員千總一員把總二員馬步兵五百名

巡檢司 自宋元已設舊有弓兵八十名後止

存四十四名

民壯舊額有巡鹽巡捕守宿諸名目其數每視時勢多寡向存三百四十四名今全裁

常州府物產考

通志縣志合載

穀屬

秈米 歲以是貢于朝廷

香米 早出而香

晚米 其粒大

糯米 有變者不變者陰糯

大麥 小麥 蕎麥

芝麻 菜豆 黑豆

黃豆 青豆 茶豆

六月白豆 小豆

香豆

豌豆 菹豆

刀豆

蔬屬

笋 自江陰分種曰燕來自宜興分種曰冬

孝慈竹 子包其母

淡竹 可以療疾

芥菜 白菜 青菜

菠菜 蒲笋

河豚菜 冬生可救河魚之毒

甜菜 蒜 韭

葱

白蘿蔔 以元妙廟基出者為上

苜 有紅白二種

茄 菱笋

芋 出夫椒山為上

西瓜 冬瓜 南瓜

何首烏 馬跡山產種之可以作果

紫蘇 以毘陵驛者為上入藥佳

藥屬

紫蘇 見上

金櫻花 煎膏可治疾

木類

柳 白楊 梧桐

梅 桃 李

紅梅 植於元妙觀云種自雲南來

山茶 有四時爛熳者

菓屬

梨 產迎春鄉有數種最早者曰水鵝次日曰大

葉黃此二種最佳又次曰林檎曰合盤曰紅綃

曰白章曰金花短柄曰沙梨曰酒瓶梨凡梨結

實如龍眼大即以箬裹之稍大則鳴金柝以守

之防鳥雀也又有一種曰烘梨味木不中啖惟

置一二枚於柿筐中數宿則柿皆熟故謂之烘

梨

楊梅 亦產迎春鄉有數種最佳者曰殿山曰

團東曰炭團次日曰綠陰曰青蒂子再次曰荔枝

以狀如荔枝得名形大而味酸更有一種曰雪桃其白如玉色可稱奇品有一紅一白者土人呼為八角楊梅

葶薺

菱 青白二種

獸屬

鹿 惟迎春鄉馬跡山產之此鄉素有三斷六絕之謠明萬曆間里民劇錢購雌雄二鹿放之山中仍請知縣晏文輝給示永禁獵戶射弋至

今蕃衍不絕 黃山山外

麋 亦產馬跡山

兔

水屬

鱖魚 河豚

刀魚 子鱗 以上皆產於大江

白魚 太湖產者最佳五六月間極為鮮美吳

人以芒種壬日後謂之入時白魚於是盛出謂

之時白葉氏避暑錄曰太湖白魚實冠天下大

業雜記曰白魚種子隋大業六年貢入洛陽  
 銀魚 太湖西瀾湖皆產之狀類鱠殘而小腊  
 之可以致遠又南門外十里許降子橋左右亦  
 產此魚不過數武越此則無亦異事也  
 鱠殘魚 似銀魚而大亦產於兩湖相傳吳王  
 食鱠棄其餘而化色白如玉無腸胃出於隆冬  
 時最為珍品

白蝦 皮肉皆白熟之亦然

玉爪蟹 出黃山他處爪皆黃惟此獨白

禽屬

雉

鴿

黃雀

水鴨 有大者有小者

花屬

麗春 俗名虞美人

鸞粟

剪春羅

剪秋紗

蓮花

榴花

葵花

芙蓉

秋紅

香黃

鷄冠花

菊花

虎刺

洛陽 石竹

布屬

東門闊布 小布

兼絲紵布 劈絲與紵兼而織之細密難成

無錫縣特產

無錫米 明光祿寺志有無錫米倉一區餘郡

縣皆無之豈非錫米為尚方玉食之需不與他

處所產同貯又據馮善志天下糯米本縣最美

本縣又唯南鄉揚名等處為道地色純白以釀

則酒多于他種

惠泉酒 名曰三白以歲臘月釀成當其作時

負擔爭汲山亭成市舟載往來喧溢寺塘每至

日晚亦小涸而渾比曉一泓如故其酒以色白

味清而冽者為上山中賣者比舍皆是頗多以

甘失名其實城中士紳之家所自作者終當領

袖天下

白魚 本出太湖四時皆有唯五月梅雨中大

上時兩溪數十里罾罾畢舉大者可五七斤色

瑩白如銀觸箸紛解鮮美冠時濱湖之邑唯錫  
有之次則吳江亦不及也

蕩酒 出鵝湖色白而味冽亦其地水性然也  
銀魚 出鵝湖者佳結髮為網於仲春之初取  
之入夏輒不得鮮至七八月盡矣其魚大如針  
初出網用水置白磁碗中不可見但兩睛黑  
點如砂浮著水上居人艤舟得魚傾入暖酒即  
熟不待烹也置其本處水草中不用水養攜入  
城始擇而出之猶不失味

鷄頭 出鵝湖華氏祖墓之旁其產處不及百  
畝每秋風乍起香苞玉綻萬顆勻圓使人忘飽  
居民多取吳中所出雜以入市或臨視採之輒  
先置其根下亦鮮有甚真者數年來萬安鄉龍  
塘岸所生差堪伯仲

宛山石 可作硯色純黑其品亞於歙石

陽山石 自漢時邑大夫陸端始見開采其石  
微麤而堅材中礪日供數郡之用未嘗乏竭邑  
楊氏世居其西故半壁禁不得鑿而東無完體

矣

甄瓦 向自吳門而外惟錫有甄瓦窰故大江南北不遠數百里取給於此歲所販鬻甚廣

黃草縑 始自延祥今城中巨室皆習為之用

黃草擘極細合絲縷績而成之佳者出諸名葛之上

蓆 新安開化之間居民田事稍閒即以織蓆為業成則負而鬻於潯墅虎丘之肆中少自賣者

門神 天下以錫山所出為最丹青人物極工販鬻無遠不至

硃砂牋 邑俞氏所製無第二家其法純用硃砂積染而成膠法既善用書春聯最利筆墨無粗澀諸病黏之屋壁及屏障之間歷數十年殷鮮不改近秣陵亦效其法為之不如也

江陰縣特產

繭布 以繭絲綿縷相間為之色亦黃白相間一望如繭紬朴雅宜士人服

草屨 採蒲及稻稈織屨俗呼蒲鞋雖敝而不寬故名爲遠近所尚西鄉人尤以爲專業

蒲扇 編蒲作扇以竹籤之入手輕便綾絹爲緣加以組綉愈足觀焉其製不一江南人多用酒 釀法著四方故都會所揭酒帘必曰江陰酒昔惟上杜酒釀就藏之經年出飲作琥珀色其味濃醞膠唇上下益人精氣今純尚白酒佳者貯盞中直見盞底如未嘗有酒然爲此者直以省麵蘖故亦足占土人之艱于物力云

綵花 剪繪綵通艸及五色紙爲花婀娜欲生大者一叢數十朶長可二三尺插瓶中往往蜂蝶隨之真爲絕技意隋宮不及云但畫餅未可充饑耳

花炮 鏤金錯采外觀悅目有一子兩聲者次聲直徹雲表又有先花後炮者他方人未及云宜興縣特產

茶器 款式不一雖屬瓷器海內珍之用以盛茶不失元味故名公巨卿高人墨士恆不惜重

價購之繼有時大彬益加精巧價愈重他如徐友泉陳用卿沈君用徐令音皆制壺之名手也靖江縣無特產

欽定古今圖書集成方輿彙編職方典

第七百二十卷目錄

常州府部彙考十四

常州府古蹟考一

職方典第七百二十卷

常州府部彙考十四

常州府古蹟考一

通志縣志合載

本府 武進縣附郭

晉陵縣治 舊在內子城西南化洞橋唐景德

元年淮南楊氏展築羅城徙外子城東邗溝上

宋德祐乙亥兵燬元至元遷狀元坊內至治初

又遷明倫坊內明洪武初廢

舊武進縣 在千秋鄉去今縣西北八十里晉

太康中析曲阿丹徒二縣地置梁天監元年改  
蘭陵縣隋開皇九年併入曲阿唐武德二年卽  
故蘭陵地復置武進縣貞觀八年併武進于晉  
陵垂拱三年復分置僞吳同光間江盜旁午民  
不安居遂徙入郡城金斗門外

南蘭陵郡

晉太興元年江北亂離于舊武進

僞置郡以占流寓梁天監元年以京口之南東  
海爲蘭陵郡郡遂廢

蘭陵城

在阜通鎮西南齊四世祖淮陰令蕭

整僑居之地按萬歲寺舊有僞吳天祚中石刻  
云寺西去蕭梁帝祖宅三十里東城村初名皇  
基更名皇業寺後百七十五步卽城也

東城天子路

路在萬歲鎮西舊傳秦皇所遊

或云孫氏舊蹟宋明帝時訛言東城天子出其  
後建安王休仁鎮東府帝懼殺休仁而閉東府  
不居又屢幸以壓王氣又使子安成王代之及  
蒼梧王敗安成王代立咸言爲驗乃其應則齊  
高祖實居此村也宅南有桑一本高三丈旁出

四枝若華蓋幼戲其下從兄敬宗曰此木爲汝  
生後竟貴顯云先是王子年歌曰欲知其姓草  
肅肅穀中最細低頭熟鱗身甲體未與福上二  
句言姓名太祖體有龍鱗斑駁成文始謂是黑  
癩治之而文愈明故歌及之子年名嘉晉時人  
也

萬歲街 卽阜通鎮梁武帝故里

寶誌寺基 卽梁武帝舊宅後爲寺今有井大  
旱不竭云誌公井

伯牙瀆 相傳伯牙寓此鍾期死棄琴瀆中瀆  
產琴魚弦微皆備舊志云瀆北流入江今久塞  
琴魚亦絕產矣

鍾村 在伯牙瀆北相傳鍾期所居今其地猶  
多鍾姓云

伯牙琴堂 在伯牙瀆西大悲菴中一望空洞  
遊者頓足拊手則音韻鏗然若琴聲焉

金牛臺 在奔牛鎮輿地志云漢時有金牛出  
山東石池至曲阿人柵斷其道牛驟奔故名四

蕃志云萬策湖中有銅牛人逐之上東山入土窟走至此柵今柵口及堰皆以此號東坡有臥看古堰橫奔牛之句宋元嘉末竟陵王誕遣參軍劉季之與顧彬之敗元凶卻將華欽等于曲阿之奔牛塘泰始二年建威將軍沈懷明東討孔顛至奔牛大破之齊高帝嘗與蕭順之共登金牛臺見枯骸橫道曰文王以來幾年矣當復有掩此者乎言之凜然色動

星月池 在奔牛巡檢司池及半畝天色晴明

晝見星月明嘉靖末年漸為居人填塞

陳氏書樓 在奔牛鎮壩口梁武帝微時與陳

文表讀書相善帝即位授表廉州司戶表願還

鄉教讀勅建陳氏書樓明洪武時修葺嘉靖乙

卯兵燬遺址尚存

回龍橋 在鎮東巷後百步梁武帝嘗至此返

駕故名

慶亭 在縣西五十里與丹陽分界韻書注吳

中亭名孫權射虎傷馬地晉顧衆與蘭陵太守

季閔于此拒守逆擊賊將張健卒平之隋楊素嘗遣勇士麥鐵杖覘江東反賊擒縛行至虔亭衛者哀其困解手以給飲食鐵杖取賊刀殺衛者皆盡素大奇之按庾信詩卸亭一回望風塵千里昏注卸亭吳大帝所憩後人建亭在晉陵楊升菴外集注卸當作御唐王維詩去問珠官俗來經石蛇春東南卸亭上莫使有風塵今卸亭無可考意卽此亭乎

離宮 隋大業十三年集十郡兵匠數萬于縣

東南創宮苑周圍十二里涼殿四一曰圓基二曰結綺三曰飛宇四曰漏景環以清流蔭以嘉木又倣洛陽西苑環十有六宮于夏池左曰麗光流英紫芝凝華景瑤浮綵舒芳懿樂右曰采璧椒房明霞朱明翼仙翠微層城千金迴廊複閣飛觴激水工伎精巧丹碧絢麗未及臨幸尋盜起莽爲丘墟今夏城遺跡隱然尚存

茶山路 在縣西南廣化門外十里內墩阜纍纍有山形焉唐末湖常二守會陽羨造茶修貢

由此往返故名時常守爲李栖筠有僧獻佳茗  
陸羽謂芬香冠絕也

闔閭城 在城裏村今廢

廟墩 在孟春橋相傳墩下井水泛溢晉陵無

錫縣吳許二令自投井中屍從勝力橋浮出因  
祀之墩上今廢一傳吳許以陽湖泛溢赴水死

丞相基 在下浦地多陸氏云宋丞相陸秀夫

居此秀夫京口人豈世亂避此耶

青墩 墩有二相傳一爲唐初梁王之墓大可

八畝爲前青墩一爲沈法興之墓大可二畝在

豐西鄉謂之青墩者以其稱此土蒸而封之本

名稱墩音相近故訛之耳明正德間民有向此

假借器用者以酒醑地書詞焚之果出器于上

其人用過還之忽不見如是者歲餘後有損壞

不還者自是借不復出矣毛氏世居于此鄭光

祿有傳

避暑宮 在內閭灣世傳吳王闔閭構宮避暑

于此今其井猶存

試劍石 在盟頂山左相傳吳王試劍石分爲  
兩

伍子盟頂 在張青灣之巔相傳子胥誓師處  
境會亭 在茶山路湖常二守造茶修貢會此  
胥城 在上店四蕃志云子胥伐楚時築此城  
爲軍壘

沸井 在縣西六十里季子廟前不詳何時開  
齊建元元年井北忽有金石聲掘二丈得泉復  
有聲又掘得泉泉中得木簡長一尺廣二寸隱

起文曰廬山道士再拜謁木堅白字色黃延陵  
令戴景度以聞于是並鑿爲井今尚有四二清  
二濁騰湧驚沸晝夜不絕旁有唐武進簿趙用  
晉賽雨紀石文今隸丹陽縣境

淹城 俗爲奄城其城三重周廣十五里壕塹  
深闊今外城多圯內壕亦湮矣惟內城中城屹  
然而中壕外壕廣可十五丈深亦不減三丈父  
老相傳水涸時斲得朽木可以宿火或云吳王  
囚越質子處故有淹留二城按越絕書吳地紀

云毘陵城南十八里故城古淹君地也東南大塚淹君女子所葬越絕爲漢人袁康撰其書近古似可據以理測之卽商末之奄君周逐之而來居此

留城 在淹城東五里城之大僅準淹城之內城士人吳姓者構菴祀觀音大士于其中長松森鬱甚可愛也

游塘營 在縣西南十五里明鄂國公常遇春攻常州駐軍于此亦名牛塘谷其中墩埠大小

相錯林木盛時如山谷也一云在夾山牛塘谷又云在橫林牛塘橋未知孰是

靈石 在占石村古祠前形如柱微露于地舊傳有取之者風霆大震遂止或云詹石二姓卜居訛此名

丹井 在太和觀前每歲賽東嶽會時迎東嶽像來觀中像上殿升降井水隨之深淺遠近異之

神墩 墩可望茅山唐中丞登此有詩

姬墩 在神墩南三里

大姑城 小姑城 潘令經云在縣西南六

十里

臥冰池 舊志謂在涸湖西孝感瀆爲王祥臥  
冰得魚之所又宅在尚宜鄉爲母舍建道院按  
本傳祥瑯琊人漢末扶母攜弟覽避亂廬江三  
十年至晉拜太保未嘗至毘陵但其孫俊嘗封  
永世侯永世孫嘗居毘陵覽孫導顯于江左子  
孫往往居此追慕祖德故以臥冰名池孝感名

瀆也宋學士薛極故居

舜峯 俗名舜過山相傳有虞氏東巡駕歷此

有舜水舜廟舜井舜田

獨孤檜 檜有三皆獨孤太守手植一在郡後

圃一在古紫虛宮舊址後爲丁氏球川亭一在  
忠祐廟宋末猶存元末燬於兵明謝應芳補植  
久之亦廢邑人唐鶴徵又補植四株於廟下今  
尚存

榮賜亭 在狀元橋西南宋大觀三年合試天

下貢士獨毘陵五十有三人上賜褒詔有曰進賢受上賞蔽賢蒙顯戮苟依常格推恩非古人上賞之意其知州教授特與轉一官郡守徐申立坊于橋南名進賢建亭曰榮賜以侈其盛四老堂 宋叅知政事張守建卽今客園天遠堂 宋蘇軾寓自題在今客園烏沙尖 在興賢巷北郡城舊傳有三尖皆文筆也八字白雲井烏沙爲三烏沙旣塞八字復因改河鑿去惟白雲尖僅存

宿鳳亭 在外子城東北隅興賢巷北亭前古柏蒼翠郡守史能之建取杜子美香葉終經宿鸞鳳句爲名今廢

臨川里 以王伯偁自臨川來居此今坊額尚存

異僧心經碑 舊在關帝廟西房順治初年西房毀道士邵維靜移真正殿後壁間字狂怪奔放而不失草法最爲奇觀邑人唐順之跋不濁堂 在宣嘉堂南面池水宋紹興丙子知

縣曹囊所名

極高明樓 舊在外子城上宋乾道初郡守葉衡建名靜遠楊誠齋有犯雪來登之句嘉定間郡守史彌念更名高爽淳祐八年郡守李迪更名景鄒以仰止道鄉先生故名咸淳二年郡守家鉉翁更名極高明今譙樓卽其址也

洗馬橋 在迎春橋南祥符經云隋陳司徒洗馬于此今街心僅存橋形

宣嘉堂 在廢晉陵縣廳事東宋志云大觀間

令李景得古甓有篆文曰位至公卿功冠天下  
令名宣揚萬姓嘉昌字畫奇古時堂初建取二字以名

見山亭 在舊崇勝寺前與東山相望故名

都酒務 宋置在金斗門外街東

稅務 元稅務有五城以內在花橋東今廢

如春樓 在大市舊名和旨一名最高卽官酒

坊唐時賜酺處杜審言有和晉陵陸丞早春遊望及大酺詩宋末廢

花月樓 在元豐橋東今廢

肺石 在東排灣八字尖謝子蘭有賦明萬曆間穿八字尖河遂失所在

比較務 在新坊橋北宋政和間置

荆溪館 舊名毘陵驛在天禧橋東枕漕渠以通荆溪故名宋紹興末高宗親征金亮車駕幸金陵往返皆次焉久廢

使星亭 在天禧橋之東西行衙之左

弭節亭 在使星亭東久廢

西行衙 舊在天禧橋東荆溪館西宋建元廢  
毘陵地 在天禧橋南舊傳地方丈餘盛雪不積豈一郡溫厚之氣所聚與

東山亭 在荆溪館對河唐大曆中獨孤及守

郡建貞元八年刺史韋夏卿記

白雲亭 舊在天禧橋西今廢

如歸亭 舊名觀風在朝京門內今廢

合同場 在天禧橋西宋政和四年詔行茶引法始置今廢

都稅務 宋置在元豐橋東

平淮務 宋置在都稅務西

春熙樓 在西門城上明宣德六年知縣莫愚

建今廢

懷李樓 在朝京門上明正德間知府王教爲

前知府李嵩建

留瓠堂 在德安門內明天順間徐璪所居璪

嘗遇一道士奉之甚虔時璪方貧道士以囊留

其家而去逾年返復面納金若干於囊而去璪

凡數年未嘗一解其囊也道人義之投一瓠而

別曰冬來無蔬剖而食璪如其說剖之得醫方

一卷或曰扁鵲鏡經試之無不神應遂致大富

名其所居之堂曰留瓠堂璪死失其書

天慶觀畫龍 在寥陽殿壁題曰姑蘇道士李

懷仁筆世傳懷仁酒豪嘗呼龍松江上狎而觀

之以此畫入神品是日大醉睨殿壁索墨汁數

斗曳筭裂袂號呼奮擲雙龍立就觀者辟易懼

將撻焉

徐友畫水 在彌陀殿壁郡人徐友畫清濟貫河一筆起西北隅縈繞數十丈却立諦視疑若飛濤之騰湧

丹井 在天慶觀藏殿舊傳漢天師授丹于此今湮沒

表忠廬 在陳閣學墓側閣學子嘉會築一楹棲臥以志孝感謝子蘭題名

薛將軍故居 在內閭灣將軍元人善兵屢却寇亂明正統間民墾基得兵器火藥云

悠然亭 在內閭灣元山人錢士元建取陶詩悠然見南山意趙松雪作記今廢

白蓮池 在祥符寺池產螺無尾舊傳山人食螺斬尾將烹之寺僧憐而鬻焉遂成此種有移之他水者久之復還池中

菩提樹 在祥符寺聞種自異僧枝葉皆西向山茶花 在耿灣高僅六七尺大可徑寸四時爛熳父老云在林麓已不記年蓋異種也今尚存

香樟樹 在雁門灣圍丈許高四丈蔭可十餘畝香聞數里

青城 宋高宗宿帳也今有青城菴

顧坡 在化被王廟旁顧凱之無錫人博學有才氣尤善丹青爲虎頭將軍相傳往來郡中常憩此或云凱之宅也

水竹居 在保寧寺東偏明正統間僧碧元構胡氏山堂 宗愈歸老作堂橫山名曰橫山堂孫覲寄題有環城千嶂合竝舍百泉通之句

高氏父子泉 在芳茂山大林菴高紳蚤歲寓橫山冲虛館味泉極甘謂可比慧山太平興國中以太常少卿出宰故里章聖時命其子夷直爲尉俾就養焉首訪是泉廢已久至是復騰湧郡駕董黃中作詩序其事名高家父子泉時天聖三禩也

丹井 在冲虛觀殿內梁王八百修道後以煉丹後仙去

金雞洞 在雞籠山麓世傳有金雞浴于此

劍井 在縣東十五里風土記云葛仙翁駐鶴地或云仙翁負劍過此劍躍入河嘗有白氣互天如虹

艤舟亭 在今文成壩東東坡至常繫舟處與地名蘇步之意同

光華亭 在通吳門內街北與艤舟亭對

贍軍務 在天寧寺後宋紹興間置乾道間并入都酒務

窰務 宋置在通吳門外明仍之居人取土爲

磚掘地多遇古塚柩朽則棄骨而薪柩佳則棄骨而售屢禁不止且郡城東門外爲城之震方文筆峯所在法宜高聳龍氣攸關

皇清順治十三年郡紳請于當事買丁堰下塘空地以徙置焉

造船塲 宋置在迎秋門外

菱草塲 在青山門外

桃原 在城東新城壕高阜處春時桃花盛開延袤數里遊者擬武陵焉

謝子蘭樵舍 子蘭有自書潞城樵舍壁詩四首

海子口 在郡城朝京門外三里運河中歲旱水涸見巨木橫亙河底鄉人稱為海眼又名海子口

傳洛城 一作博洛城祥符經云傳洛丹陽志季子北廟在城西今通江鄉傳莊疑即此地

廢利城縣治 按晉書元帝即海虞縣北境立利城縣以占流徙宋元嘉中遷利城于武進之

利浦

醜城 在縣北三十里

郭坡 晉郭璞避地東南過江葬母于暨陽去

水百步或以瀕流告璞曰即為陸矣其後沙漲環墓數十里悉成桑田璞嘗來毘陵窮極丘壑相傳邑有鈴記皆璞識故縣北三十里有郭坡暨陽今屬江陰

二城 在縣東北二里一方一圓東西對峙或云虎城或云鼓城今遺址尚存

韓城 四圍方正南有關門北近諸廟皆謂韓王舊傳五季亂離常築堡衛鄉里

九里 在德澤東界宋明帝時孔顛自會稽謀逆齊高帝率軍東討與張永等對壘結營摧破賊柵曇瓘敗走

孝義里 在通吳門外梁孝子余齊民所居宋避熙陵諱改曰孝仁卽以名鄉

無錫縣

太伯城 在縣東南三十里梅里鄉吳越春秋

太伯當殷之末恐中國侯王用兵以及荆蠻故起城周三里二百步外郭三十餘里在吳西北隅曰故吳墟自太伯以下二十三君皆都此寰宇記太伯城西去縣四十里平地高三丈吳地記吳築城梅里平墟城內有宅舊址及井猶存亦名吳城

闔閭城 在縣西南五十里富安鄉越絕書伍員取利浦及黃瀆土築闔閭城吳地記闔閭城周敬王六年伍員伐楚還運潤州利湖土築之

不足又取黃瀆土爲大小二城當闔閭伐楚回故因號之按闔閭大城在今蘇州府去潤四百里無錫去潤亦三百里取土不應如是之遠小城在縣富安鄉者地名閭江邊湖其城猶在土人至今有城裏城外之稱而縣東梅里鄉本有利浦及黃瀆蓋取土梅里以築閭江之小城或有之耳可以正吳地記之失

范蠡城 在縣西十里開原鄉吳地記在歷山之西今謂之斗城城址猶在輿地志歷山西北

有范蠡城越伐吳范蠡所築

西施莊 在縣東四十里宅仁鄉吳地記范蠡

獻西施於吳故有是莊

專諸塔 在婁巷如浮圖形高丈餘龕其中而

置主以祀焉不詳其始作或以專諸刺王僚而死因葬于此

鴨城 在縣東南二十五里泰伯鄉輿地志吳王牧鳧鴨之地今梅里鄉亦有鴨城又有麋城去鴨城不遠其跡無所考以鴨城推之當是麋

麋鹿處

黃城 在縣西開原鄉史記楚考烈王元年以黃歇爲相封爲春申君賜淮北地十二縣後十五歲歇言于楚王曰淮北地邊齊其事急請以爲郡便因并獻淮北地請封于江東考烈王許之春申君因城故吳墟以自爲都邑寰宇記黃城去縣十二里今歷山下有春申君祠去城三里故道通此黃城按黃城與斗城相近俗因呼黃斗城

龍尾陵道

越絕書春申君徙封開此道以屬

本邑後漢地理志無錫侯國註縣西龍尾陵道

春申君封吳時所造今龍山北尾有路是也

春申澗 俗稱黃公澗舊傳黃歇徙封江東城

故吳墟澗其飲馬窟云每山雨時注飛湍自峻

嶺爭道而下經愚公谷至寺門頃刻四五尺少

年褰裳跣足衝亂流逆上勢若奔馬澗旁舊有

春申祠頗走巫祝後改爲土神也

甘羅故宅 相傳保寧寺是其地在興寧鄉寺

前故有甘蕩明初猶有甘之子孫居其左右其旁則有齊光祿大夫王琨墓舊志相沿不知所考

梁鴻井 在鴻山東嶺初鴻適吳史不言其會畱無錫故向謂山本名皇其音轉而為鴻未必以伯鸞之故而名然鴻既適吳定嘗居此遺井具在斯為可據史之所無何必非蹟之所有耶御亭 吳大帝時置在縣東南五十里望亭市風土記隋文帝置市及堰號望亭堰寰宇記開

皇九年置為驛十八年改御亭驛唐李襲譽改為望亭驛宋天聖中以為鎮置官署嘉祐間開河通太湖乃廢堰

右軍別墅 在縣治西北洛社市即今開利寺趾是也有池二名滌硯觀鵝者乃後人傳會為之

湛長史草堂 宋長史湛茂之讀書地宋劉鑠齊江淹皆有過湛長史歷山草堂詩歷山即惠山也唐侍御史丘丹為湛舊居記同時韋夏卿

輩皆有詩刻石其故址今爲惠山寺

華坡 在惠山寺之東偏南齊華孝子寶所居  
今有孝子祠

蕭莊 在縣東四十里宅仁鄉梁蕭侍郎別墅  
卽今膠山寺故址

李相讀書臺 在惠山寺左唐李文肅公紳未  
貴時讀書于此後因置臺焉元志云小徑縈廻  
繪像其中今則無有矣

錫麓書堂 在秦皇塢下宋尤文簡公袤讀書

地初因文昌祠結廬數椽雜植竹柏于四垂而  
不事華飾終袤世歷四傳七十餘年無所改易  
又有遂初堂始於袤從祖文獻公輝初名依山  
後改今名宋崇陵嘗手書遂初二字以賜中藏  
書三萬卷所傳公退手抄與其子弟諸婢不得  
暫輟者咸萃焉後稍廢毀至六世孫玘仕元歸  
盡復舊業起重樓樹名花爲都人遊觀之地後  
燬于火而藏書亦無存焉

雲龍小隱 宋蔣忠文重珍別墅在龍尾陵道

今廢不可考

梅坡 在寶界山宋彭城錢紳居無錫既謝知州而歸遂隱于此又得泉于巖下名之曰通惠至明王僉事問即其地建湖山草堂稱名處繡嶺亭 宋光祿滕中元作即聽松菴故地初名照山花木繁若錦繡故名

一梅堂 宋嘉定中蔣忠文重珍致仕歸築堂于胡埭中有萬竹亭皆自為記

清閼閣 在縣東南梅里鄉之祇陀里元高士

倪瓚故居旁列碧梧奇石設古尊壘彝鼎法書名畫其中非楊維禎張雨諸人不得至焉他有雲林堂朱陽館之屬以清閼為最勝其名至外國使臣皆知之

王舍人畫壁 在聽松菴明王紱嘗病日寓菴之秋濤軒既愈圖廬山景于軒之左壁黃少保淮乃作長歌題于其右時有竹工至自吳興因造爐式使編竹為之高不盈尺圓上方下類道家乾坤壺而規制精密于是時之名士皆為題

咏并圖畫以傳凡爲二軸後壁燬于火唯竹爐  
卷猶存邵文莊寶嘗記其流傳之始末甚詳  
碧山吟社 明景泰末邑諸長者共爲觴咏之  
會其地闢于秦修敬旭會凡十人李綱菴庶年  
八十有六旭少一歲焉陳遜菴履八十有三陸  
竹石勉少履一歲高梅菴直七十有九黃杏軒  
祿七十有三楊聽玉理少祿一歲陳玉溪懋六  
十有九施博野廉六十有一惟潘玉林緒未六  
十最少諸君重其人援以入焉時際承平人皆

大雅時則有陳秋林勉歸自工部盛冰壑顒歸  
自都臺旭子中齋夔歸自江藩間一至會不在  
恆數于是巡撫王端毅恕聞而求造焉沈啓南  
周爲之圖以傳其事人如洛下蹟擬西園其地  
則惠山之陽二泉之南門署碧山堂名十老又  
有濯纓之亭涵碧之池芙蓉之徑古木之陂今  
其詩卷具在而遺構已墟十老後六十年旭曾  
孫瀚修復之因與顧憲副可久王僉事問華學  
士察王侍御瑛賦詩其中風流再嗣非復布衣

自是未有興者

小心齋 顧端文憲成讀書處在涇里旁有同人堂月集諸從游者會焉其人則史孟麟丁元薦夏臺卿安希范尹嘉賓繆昌期錢士升錢謙益馬世奇吳鍾巒又張可大以武人來受業後卒死登萊之難

水居 在五里湖之濱高忠憲攀龍築廣袤不數十步芰荷之池四匝通以小橋池外爲隄隄外爲湖而漆塘軍帳諸峯始沿洄錯列于其上

忠憲筮仕行人卽抗疏歸棲遲于此者垂三十年自言几席湖山衣被風月飲食圖史皆此地也其右曰可樓前曰月坡每日晚漁舟數百環衛其下主人歲時慰勞焉

澹寧居 馬文肅世奇讀書處地僅方丈而名滿四海曾在青果巷後遷西溪

寄暢園 在惠山寺左初本僧居曰南隱曰漚寓明正德中秦端敏金井其地以爲園名鳳谷行窩其中喬松古木合圍者以數百計後倚一

墩周文襄忱嘗至山寺以形勢左豁命聚土築之其園蒼涼廓落初不以一亭一榭爲奇後六十年歸其族孫都御史燿始增葺焉易其名曰寄暢後頗分裂三傳而封庶吉士德藻又合并改築之先是雲間張南垣璉累石作層巒濬壑宛然天開盡變前人成法以自名其家數十年來張氏之技重天下而無錫未之有也至是以屬璉從子名鉞者俾畢其能事以爲之園成而向之所推爲名者一切遂廢廳事之外他亭榭

小者率易其制而仍其名若知魚檻之類是也又引二泉之流曲注層分聲若風雨坐臥移日忽忽在萬山之中蓋自端敏迄今二百餘年雖中更盛衰而未嘗易姓故論者以爲難焉康熙二十三年冬

乘輿式臨泉上遂幸茲園又五年己巳

東巡還自會稽夜抵錫山駐蹕黃埠時萬姓歡呼燈火匝地及明而放艇山中遂步

玉趾再臨寄暢循覽移時因取

御書品泉二字

命前諭德臣松齡刻扁泉上而以墨本

賜之于是遠近聞者咸謂平泉綠野皆人臣所得自致未有屈

萬乘之尊一幸再幸如茲園者蓋不獨秦氏之盛事抑亦山川之榮也

愚公谷 在惠山寺右當春申澗第一曲中有龍縫泉又名龍淵初亦僧居明正德中馮僉事夔毀菴爲園因自號龍泉居士夔沒園歸顧同

知起綸作墓地既葬而遷乃屬鄒副使迪光撤其舊而益大之前自春申澗至其後名秀嶂街廣袤各數十畝異花珍石崇臺閒館虹梁月渚參錯奔赴而其後爲十二樓以居姬侍焉迪光解組既早懷抱有餘性好土木日遷月改旬日再至多非舊觀而位置落落不事雕績自然大家此其所長也風泉之隙則梨園兩部魚隰六時互相應答亦塵中之異境其自爲記曰身死之後當倣周顒王珣故事施爲佛刹聽其興衰

久暫蓋不勝感慨係之矣

惠麓小隱 在錫惠兩山之間元信州錄事孟  
潼歸隱地後其子主一爲祠以奉先祀一云談  
開府愷作有樓曰永息樓面錫山右抱九龍左  
望蓉湖如練後屬王推官益謙復甃石爲池激  
水爲瀑當談築園時或卽因孟之舊未之詳也  
冠龍山居 初爲呂少卿元夫荒圃黃典簿楮  
改作之所謂入門物色皆蒼莽可憐者也有樂  
志堂春時望士女登山者皆可歷數今惟擘秀

閣尚存四面洞達下臨清池拓牕而坐一山之  
勝呈露無遺蓋所居之地得也

栖隱園 又名爲古華山莊入門有樓橫臨涇  
上香車畫舫一一旅行於前若權使之驗賈舶  
焉初本以奉達磨像又有文昌祠大士庵藕花  
池皆春堂後屬秦戶部塌今贈守備潘桂芳購  
其半作小九華諸商購其半作邑令吳興祚生  
祠

菊花莊 吳學築學豪爽不事小節沉涵山水

聲伎二十年園甚敞麗而多菊故名

野翁園 施廉別業廉號北埜能詩善醫明弘治中徵詣京師辭職歸營亭館竹木之樂中有野翁泉又爲船名江南春雨樓

水北園 龔處士時亨築

惠巖小築 顧榮僖可學作在廟巷中質任自然雲物往來禽魚翔泳清泉灑灑出亂石中榮僖身處脂膏而此地獨得幽尋之勝

錫谷書堂 陳布衣公懋所築

碧山莊 在西郊俞公橋之東明嘉靖中猾胥高玠者侵其鄰地以營之絕幽勝可喜王御史某解官歸見而欲之或言玠無子有一弟逋官錢在繫王喜使人通其弟貸金焉遂執私券一夕逐玠而據其莊久之南御史符驗出守常州頗事搏擊玠乃爲辭訟于府王懼變服長跪待罪符意稍解乃判給其直此後歸侯舉人世芬最後屬秦封君德藻門臨清渠畫橋疎柳遊者不自知其坐之久矣

蓉湖莊 去山不二里東與迎潮館相望也清  
川環門烟樹深黝山堂制頗近樸奇石離立其  
庭其他池館錯落皆得位置之宜每當晚烟落  
日歸帆一一出寺塘涇簫鼓中流餘興未已則  
鱗次就泊微酣步履明燈繼上遊者不下歲數  
十至而莫之有倦焉此莊不詳其創始明萬曆  
中歸秦中丞後授其子埏再傳漸就荒落林木  
蕭然今爲蓉湖禪院矣  
溪山勝槩樓 元華鎡建多名人題詠鄭元祐

書其扁

溪山第一樓 元強可仕建

清溪莊 去西定橋一里顧憲副可久築施武  
陵漸爲十景詩地當溪流始廣處得烟波魚鳥  
之樂今爲僧菴

芹野草堂 陳沂州籌讀書地

武陵莊 在中橋恐亦漸宅後圃

渠南一老亭 在青祈滄李布衣庶于所居之  
後爲圃而構亭水上書陶謝諸賢詩于四壁晚

歲名籍甚幅巾藜杖行歌坐吟望若神人嘗修  
邑志于此年八十餘

湖山草堂 在寶界王僉事問歸隱處錢紳仲  
時有梅坡今廢

呂御史別墅 卽太保墩舊有勝地今並爲神  
祠

菰川莊 在南郊菰瀆之上華刑部雲築沈石  
田周爲之圖今爲招提曰福城菴

曠適園 龔布政勉築卽綠蘿菴故地

梨花莊 沈萬二別圃在北里廣五十畝中有  
天繪樓最勝其妾名貞香者居此性愛梨花遍  
植焉故以爲名

西林膠山 安氏園也去安之居二里有南林  
清流沿洄綠陰翳日又二里許乃曰西林明嘉  
靖中安桂坡國因歲旱大出粟募民穿池池成  
廣數百畝中爲二山以擬金焦乃循堤藝樹緣  
崖結亭廓然大觀焉蓋是役民以得食而所漑  
田與所入魚芡菱蒲之利不可勝計至國孫紹

芳負才不偶將樂志山藪爰卽故業大加丹雘  
與天下名士遊賞其中疏其臺館亭榭謂麗于  
山者五麗于水者十四兼山水之事者三不能  
盡載二百年以來東南一名區也

嘉遜園 在鵝湖華學士察築察所居東亭第  
後又有東西二園

鳴玉園 在斗山之麓陳光州以忠別業以忠  
豪舉有大略屢罷有司將有菟裘之築屬疾而  
歸不畢其志後其子某爲祠祀之園中園受山

澗并注奔流萬竹中聲若鳴玉故名

拈芳園 在上舍詩人陳石村築種梅數十畝  
石村以忠之父不著其名時陳近思名東川者  
爲十二景詩

後樂園 卽方塘副都御史盛顒罷山東巡撫  
歸取白水蕩以營之蕩廣三十畝一望芰荷魚  
鳥渺然巨浸飛梁曲榭參差布列中爲清風茶  
墅與其子弟羣從鬪葦爲樂盛旣壽終門緒不  
振及歸尤府丞魯增益宏麗舊有古柏一株宋

時所植最名又為曲堰以節水大雨之後飛流  
竟日作琴筑聲尤沒歸王司務業頗恣斬伐遂  
不可復振矣

竹素園 馮僉事夔第中圃也在北禪寺之後  
中有廣池臺立巨石池四面皆竹夔性豪侈通  
籍且六十年家有女樂為時冠賓朋四座繁絃  
急管崇俎深尊未嘗斯須去焉沒後園屬顧氏  
萬松園 張尚書籌創在嚴家池右籌題其處  
曰杏花村

二宜園 馮參政泰築

來青樓 在湖橋之南元長興茶園提領華珪  
建高三層廣十六楹一時稱江左傑構知名之  
士游飲賦詩無不至焉明宣德中燬  
亦園 侯禮部杲倣寄暢為之亦張鉞作富池  
亭花石而無古木在映山河上

江陰縣

古城 在縣治東北即蕭梁所建今乾明寺巷  
為古城巷宋葛文康宿演教院詩有云吟懷繞

廢城自註云院直古之廢城則自演教抵乾明  
古城所在也

夏城 在縣西十八里寰宇記名艦浦城陳倪  
啓徙江陰治夏浦時所建疑卽此城

陶城 閭城 郭城 並在縣東三

十里舊傳爲南唐時屯戍之所陶城郭城遺址  
猶存而陶城爲太

東舜城 西舜城 並在縣東七十里風土  
記云舜曾居此

盜城 按宋志在縣南三十里相傳盜跖曾居  
此故名葛勝仲以爲道成未知孰是

莫城 按宋志在縣東四十里漢莫寵所築捍  
海賊翟焉因名

義城 在茶鎮之東

稽城 在華山之東南黃志云廣明中各處墅  
落立城集民兵自保城之作或以此歟

廢利城縣治 在縣西五十里晉元帝卽海虞  
縣北境立利城縣以占流徙宋元嘉中遷利城

于武進之利浦寰宇記云在奉國寺南戰國時築城名若溪歷遷改不常今良信鄉有利城鎮疑卽縣治所在

廢南陵縣治 廢海陽縣治

廢梁豐縣治 今皆莫詳所在

熙春園 在縣學東

郭璞宅 按寰宇記在黃山北長村一名長虜

村

庾冰宅 今爲祥符寺冰子希爲徐兗二州刺

史桓溫風有司劾之以罪免家于晉陵之暨陽

按輿地志晉初渡江郭璞爲冰筮曰子孫當有

大禍唯用三陽可以有後冰以語諸子故希求

鎮山陽弟友爲東陽郡冰自于暨陽置宅居焉

庾氏竟爲桓溫所滅希誅後弟友及弟蘊諸子

獲全

許青暘宅 在青暘鄉舊有許真君廟卽其宅

真君名遜洪州人常宰旌陽但青暘旌陽其音

或訛殆不可曉

費衡別業 在金鳳鄉慈雲寺即其址今廢

殷昌別墅 在青陽鄉永昌市

張蘊宅 在縣東南杜橋東能仁院即其址今廢

廢

釣魚臺 在縣東二十里有石廣一丈三尺今

呼為釣魚村

弩臺 在縣西十八里

十字碑 在申港古篆文孔子所書季子墓銘

也曰嗚呼有吳延陵季子之墓按宋志崇寧元

年常州太守摹而刻之為今石明都穆考曰吳

延陵季子墓在于常州江陰縣西申浦墓故有

碑曰嗚呼有吳延陵季子之墓自昔相傳以為

孔子之筆其大徑尺體勢奇偉攷之唐開元中

元宗命搨其書大曆十四年潤州刺史蕭定重

勒石延陵廟中今碑之存者乃宋崇寧二年知

常州事朱彥立蓋刻之者屢矣歐陽永叔好集

古文其論此碑本之太史公書謂孔子生平未

嘗至吳不得親銘季子之墓又謂其字特大非

簡牘所容後永叔有趙明誠者錄古今石多至二千而此碑不與遂使好古之士不能不置疑其間穆嘗讀越絕書見其中載越王勾踐躬求賢聖孔子徒弟子七十人奉先王雅琴治禮往奏則孔子固嘗歷吳至越其書近古言似非偽豈太史公未之見耶况春秋之時賢如季子固聖人之所與今觀十字之間辭約意博宛然魯史之法有非聖人不能及者蓋不必親登其墓而後表之亦未可知也但觀之筆以竹而紙以

代簡則自漢始及觀古法帖亦有是文大不逾寸而多一言庶幾竹簡之書宋黃伯思號稱博物定其非偽今碑字若此豈真是耶抑後人轉相傳摩擴而大之又未有知也雖然元宗嘗命搨本則唐以前已有刻石而其來遠矣又豈後人所敢議耶監察御史謝琛巡歷吳中謂穆吳人頗知稽古命知縣事王君鉞俾考其說遂著之二云爾

杜康宅 按宋志在縣東南四里承天寺西有

杜橋或云寺卽其宅寺今廢不可考橋距今南水關內僅數十步

六射梁 在縣東北四里舊經云秦王演射處梁武堰 在七里村相傳爲梁武帝所築長廣丈餘居民不敢以畚鍤犯之

道成墩 在青陽鄉卽許真君修道之所

神墩 在縣西南二十里

仙居墩 鸚鵡堆 並在夏港

石女塚 在縣西舊傳梁王女好鼓瑟死葬此

金鵝墩 在西順鄉廣二畝舊傳有金鵝翔集其上

赤石亭 在縣東三十里或云其地有遊仙塘山上有周穆王廟乃穆王所遊之地郭璞云赤石山下有朱砂僧云產朱砂地僅三分三釐今亦迷所在

虎跑泉 一名玉乳在定山相傳唐法嚮禪師飛錫來此有虎馴伏跑地得泉故名

放生池 在縣東三十五里所謂繖湖是也水

四周環繞旁有一石形如獸宋紹興十六年詔賜池名

鑄鑪所 在青山宋志云于將鑄鑪九所

石筏 在真山筏長六十步相傳秦始皇欲以

浮海面平數丈懸江流中水漲不沒涸亦不高

隨水上下故又名石牌山

石室 在黃山頂吳時烽火之所

石虎 在石橋東有石如虎相傳王氏開酷每

夜亡酒道人過之曰山際有石如虎為祟擊其

足祟果息

金鵝石 在沙山頂列阜三十有三中有一石

廣五尺許相傳常有金鵝止其上足跡猶存

Blank manuscript page with vertical columns.



